

欽定大清會典事例

欽定大清會典事例卷六百三十五

兵部

綠營處分例

捕逃

緝解

捕逃。順治十一年議准。衛所及營汛官弁。獲解八旗逃人十五名者加一級。三十名者加二級。兼轄官視其所屬。有獲解逃人三十名者加一級。六十名者加二級。統轄總兵官所屬。有獲解逃人四十五名者加一級。九十名者加二級。提督所屬。有獲解逃人二百名者紀錄一次。四百名者加一級。再有多者。各照此遞加。總以一

年一敘。若不至加級紀錄之數者。又併一年議敘。仍不足者。將前一年獲解之數截去。仍留一年獲解之數。於次年接算。不准三年合算。○又議准。官員拏獲八旗逃人。詳報總督提督給咨遞解。屬巡撫總兵官統轄者。詳報巡撫總兵官給咨遞解。該督撫提鎮均於每年四月內。將所屬官弁獲逃數目。造具清冊二本。一送兵部備案。一送刑部。俟刑部覈明。咨部議敘。○康熙四十一年議准。京城巡捕營守備千總把總拏獲八旗逃人至六十名者。加一級。參將遊擊督率

屬員拏獲逃人至一百二十名者加一級。再有多者照此遞加。○又議准。近京地方有賣身旗下之人。原有房產。守分度日。於民人並無擾累者。許令居住。原無房產者。均令伊主收回。若倚仗賣身旗下。恣意橫行。把持武斷。賭博姦淫。窩盜勾逃。訐訟作證。擾累民人者。該管專汛官申報上司。照逃人例查拏。送部治罪。若仍容居住。不行申報。專汛官罰俸一年。兼轄官罰俸六月。統轄官罰俸三月。○乾隆三年議准。八旗逃人居住衛所營汛地方。該管官並不查拏。別經發

覺捕獲。查其居住未過六月者免議。已過六月者。該管官降一級留任。過一年者。降二級調用。儻知情容留居住。不查拏者革職。至兼轄官視其所屬。二年內有一官失察逃人者。罰俸一年。二官失察逃人者。降二級留任。三官失察逃人者。降二級調用。統轄總兵官所屬。二年內有一官失察逃人者。罰俸九月。二官失察逃人者。罰俸一年。三官失察逃人者。降一級留任。四官失察逃人者。降二級留任。五官失察逃人者。降二級調用。提督所屬。二年內有四官以下失察逃

人者。皆罰俸六月。五官以上失察逃人者。降一級留任。○五年議准。駐防逃人居住地方。營汛官弁接到該旗及各衙門移會。即差兵役協同拏獲者免議。如不差兵役協拏。以致脫逃。查係居住六月以內者。將該員罰俸二年。至失察居住過六月及一年。並知情容留。仍照例分別議處。○四十九年奏准。巡捕營都司等官。一年內拏獲逃人六十名者加一級。副將等官督率所屬查解逃人一百二十名者加一級。再有多者照數遞加。○嘉慶六年奏准。失察逃人潛住在

三月以內者免議。如過三月不行查拏者。將該地方專汛及衛所各官。罰俸一年。潛住半年以上者。將專汛及衛所各官。降一級留任。兼轄統轄各官。罰俸六月。提鎮罰俸三月。潛住一年以上者。將專汛及衛所各官。降二級調用。兼轄統轄各官。降一級留任。提督總兵罰俸一年。該專汛及衛所各官。明知逃人縱容潛住者革職。緝解。康熙三年題准。監犯踰城及由水門逃走者。城守官罰俸三月。已開城門時逃走。責在有獄官。城守官免議。○又議准。營汛各官。將應

解犯人遲延不解者。罰俸一年。○十一年題准。城門已閉上鎖。監犯將鎖扭壞逃走者。城守官革職。當時全獲者免議。獲一半者降一級留任。○雍正三年議准。押解斬絞重犯。該管官簽差不慎。未經如數撥兵加鎖以致脫逃者。降一級調用。已經如數撥兵加鎖脫逃者。降一級。限一年緝拏。全獲開復。不獲照所降之級調用。押解軍流以下等犯。及違犯脫逃後。例不正法者。未經如數撥兵加鎖以致脫逃者。罰俸一年。已經如數撥兵加鎖脫逃者。罰俸六月。○七年議准。府州縣監內

有重犯。該管專汛官撥兵協同丈職巡防。如監
內有大盜過十人以上者。加兵巡防。其府州縣
內有提鎮副參等駐紮者。輪委千把總稽查。儻
監犯越獄。丈職會同該千把總各差兵役追捕。
不獲。照盜案專汛官例議處。○又議准。軍犯到
配所。免其墩鎖。該管衛所官。案軍犯到配現曲
歸州縣官管束。為防範。不使至於飢寒。如在配所本犯單身脫
逃。初參將該管官罰俸六月。兼轄官罰俸三月。
限一年緝拏。限滿不獲。該管官罰俸一年。兼轄
官罰俸六月。攜帶妻子脫逃者。初參將該管官

罰俸一年。兼轄官罰俸六月。限一年緝拏。限滿

不獲。該管官降一級留任。緝獲之日。准其開復。

兼轄官罰俸一年。若在中途脫逃者。簽差不慎

之營員住俸。勒限一年督緝。限滿不獲。罰俸一

年。軍犯照案緝拏。○又議准。斬絞重犯越獄。斬係

絞及違犯脫逃鄰境營汛官於一月內拏獲者。後例應正法者

每名加一級。再紀錄一次。一月外拏獲者。每名

加一級。鄰境兵丁拏獲越獄之犯。係斬絞者。及違

犯脫逃後例每名賞銀二十兩。軍流以下。及違

應正法者每名賞銀十兩。於原疏防官名下追

逃後例不
正法者

給。○八年議准。押解人犯。經由之處。該營汛官撥兵護送時。照牌票點明犯人。及撥兵數目相符。再行起解。如兵數缺少。或有代解等弊。即詳報上司覈叅。將簽差之官。按罪犯輕重。照簽差不慎例。分別議處。如隱匿不報。別經發覺。亦照簽差不慎例。分別議處。○十三年議准。武職拏獲鄰境逃犯。如係軍流之罪。單身脫逃者。每一名紀錄一次。攜帶妻子脫逃全獲者。每一起紀錄一次。拏獲徒犯二名。紀錄一次。准其前後接算。○乾隆二十八年議准。押解決不待時重犯。

中途脫逃將簽差不慎之營員革職留任限一年緝拏緝獲開復不獲即行革任○又奏准發往新疆等處要犯中途脫逃將簽差解送之營員降二級留任限一年督緝全獲開復不獲降二級調用其不行訪獲之兼轄官降一級留任限一年督緝不獲照所降之級調用儻該管地方疏脫二次者降二級調用○二十九年題准遞解人犯過境其未設監獄處所該管官接收多撥兵役看守如有藉詞推諉僅令原解兵役看守致犯脫逃者降三級調用○又奏准發往

巴里坤人犯遞解到站。如止設有駐紮武員者。責令該員弁稽察收禁驛館監內。儻有疏虞。降一級調用。○又覆准。斬絞人犯。及發遣新疆要犯。中途脫逃。簽差官未滿初叅之限。離任者。接緝官以到任之日為始。限一年緝拏。限滿不獲。罰俸一年。仍限一年緝拏。不獲。再罰俸一年。逃犯照案緝拏。至決不待時之重犯。中途脫逃。簽差官未滿初叅之限。離任者。接緝官以到任之日為始。限一年緝拏。限滿不獲。罰俸一年。仍限一年緝拏。不獲。降一級留任。逃犯照案緝拏。○

又奏准。發往巴里坤種地人犯。在配脫逃。限百
日內追捕。不獲。將專兼統轄各官查叅。係尋常
罪犯。照軍犯脫逃例。分別議處。俱二叅議結。如
情罪重大之犯。於二叅限滿後。再限一年緝拏。
限滿不獲。係單身脫逃者。該管官降一級留任。
兼轄官罰俸一年。攜帶妻子脫逃者。該管官降
一級調用。兼轄官降一級留任。至鄰境地方官。
弁有能拏獲者。照拏獲鄰境逃犯例。按名數起
數。分別議敘。其發往巴里坤賞給兵丁為奴人
犯脫逃。議處議敘。亦照此例分別辦理。○三十

一年奏准發遣新疆人犯。

脫逃後例
應正法者。

逃回原籍

居住原籍官曾經奉文密緝者無論已未出結

降二級調用未經奉文密緝者降二級留任若

別處逗遛在半月以上者將失察之地方官降

一級留任。○三十三年奏准新疆改發內地遣

犯。

脫逃後例
應正法者。

攜帶妻子脫逃者專管官降二級

留任兼轄官降一級留任俱限一年緝拏獲犯

開復不獲專管官降二級調用兼轄官降二級

留任獲犯開復不獲扣滿年限開復不行查察

之統轄官罰俸一年其單身脫逃者初參專管

官降一級留任。限一年緝拏。獲犯開復。不獲。照所降之級調用。兼轄官初叅罰俸一年。限滿不獲。降一級留任。不行查察之統轄官。罰俸六月。

○三十四年奏准。各省如遇緊要官犯。務擇現任員弁派委押解。其試用效力未經歷練者。概不得濫行派委。如有違例濫派。以致疏失者。將原委上司降一級調用。如無疏失。罰俸一年。

○三十七年奏准。各省疏脫遣犯。脫逃後例至五應正法者六名。不能追拏者。將該管官革職留任。戴罪勒限一年緝拏。全獲開復。逾限一名不獲。降二級。

調用。二名不獲。降三級調用。三名不獲。革職。

四十五年

諭。遣發新疆為奴人犯。俱係身罹重罪。發遣極邊地方。復不安靜。肆行逃走。經朕曲加矜全。改發伊犁烏魯木齊。自應安分悔罪。今復潛逃。情殊可恨。若不嚴緝。務獲。不能示懲於衆也。著即行實力嚴拏。無論何處地方拏獲。即在該處正法。以示炯戒。嗣後如有似此者。務須上心查拏。儘不實力嚴緝。一經別處拏獲。究出經過地方官員。俱行治罪。其各該管上司一併交部議處。仍將此等在逃人犯。共有若干。拏獲正法者。

若干。未經拏獲者尚有若干之處。該大臣等於年終查明彙奏。○四十九年奏准。遞解各項人犯。中途疏脫。簽解兵丁與犯同逃。雖係畏罪潛逃。亦照本案脫逃人犯之例。按限嚴緝。如逾限不獲。即照承緝本案逃犯罪名不獲之例。一體辦理。○嘉慶六年奏准。押解決不待時重犯。該管官未經如數撥兵加鎖。以至脫逃者。革職。已經如數撥兵加鎖脫逃者。革職留任。限一年緝拏。拏獲開復。不獲。即行革任。發遣新疆等人犯。脫逃後例應正法者。中途脫逃。係未經如數撥兵加鎖者。該管官降

一級留任。限一年緝拏。拏獲開復。不獲。照所降之級調用。係已經如數撥兵加鎖者。降一級。限一年緝拏。拏獲開復。不獲。照所降之級留任。逃犯。照案緝拏。軍犯中途脫逃。照流徒等犯脫逃例議處。○又奏准。兼轄官於所屬員弁簽差不慎。將決不待時重犯中途疏脫。屬員例應革職者。上司降一級調用。屬員例應革職留任者。上司降一級留任。限一年督緝。全獲開復。不獲。照所降之級調用。如係新疆發遣人犯。脫逃後例兼轄官罰俸一年。係軍流以下人犯。及遣犯脫逃後例

正法兼轄官罰俸三月。如屬員於限內獲犯例得開復。該管上司亦一體開復。職名尚未送部者。即予免議。○又奏准。改遣以上人犯中途脫逃。接緝官照接緝斬絞人犯脫逃例議處。○又奏准。各項起解人犯遞至鄰境未交之先。在途脫逃者。將原簽差之武職官議處。已經交與鄰汛者。原簽差之武職官免議。將鄰境之接解官議處。○又奏准。各省秋審發回監候及他省解遞人犯。如係斬絞重犯。短差兵丁。不加肘鎖。以致自盡者。簽差不慎之營員。降一級調用。並未

短差兵丁。已加肘鎖。該犯倉猝自盡者。降一級留任。軍流徒罪。短差兵丁。不加肘鎖。以致自盡者。降一級留任。並未短差兵丁。已加肘鎖。自盡者。罰俸一年。其遞至中途寄監自盡者。將管獄官照監犯自盡例議處。斬絞重犯自盡者。罰俸一年。至軍流徒罪人犯自盡者。罰俸九月。原解之員免議。若在村莊坊店歇宿。自盡者。仍將原解添解之員。分別議處。原解之員應降調者。添解之員。減為降留。原解之員應降留者。添解之員。減為罰俸。原解之員應罰俸一年者。添解之員。減為罰俸六月。○又奏准。各

省接遞罪犯。儻管解兵丁有受賄縱放捏詞具報脫逃者。將兵丁治罪。簽差不慎之員革職。兼轄統轄各官降一級調用。一月之內將罪犯自行拏獲者。准其開復。自行查出究辦者。均減一等議處。○又奏准。斬絞及遣犯在監越獄脫逃。例應正法者。地方專兼武職多差兵役追捕。如疏防限滿不獲。專汛官住俸。限一年緝拏不獲。降一級調用。同城兼轄統轄各官。初叅罰俸一年。限一年督緝。二叅限滿不獲。降一級留任。不同城兼轄統轄官。初叅罰俸六月。限一年催緝。

二。參限滿不獲。罰俸一年。如遣犯脫逃。例不正法。及軍流以下人犯越獄。專汎兼統各官疏防處分。俱減一等。○又奏准。武職各官拏獲鄰境發遣人犯。係單身脫逃者。每名紀錄一次。○七年。奏准。軍流人犯。及遣犯脫逃者。例不正法者。後逃回原籍居住。原籍官曾經奉文密緝。取具甘結者。降二級調用。自行拏獲者免議。如逃回於未經咨緝之先。及逃回於取結地方官離任之後者。罰俸一年。若在別處逗遛計半月以上者。失察地方官罰俸六月。○又奏准。斬絞發遣重犯越獄逃走。

例應正法者。鄰境武職拏獲。照舊例按其一月
內外。分別議敘。如遣犯脫逃。例不正法。及軍流
以下人犯。鄰境武職拏獲。議敘俱減一等。○八
年奏准。凡未定罪名人犯中途脫逃。除供證確
鑿。罪無可疑者。即據實聲明。照例議處。至供證
未確。罪難懸擬者。亦於文內聲明。照軍流以下
人犯中途脫逃例議處。俟日後獲犯。審明如罪
止軍流。毋庸更議。儻係軍流以上罪名。或罪止
徒杖。即照仇盜未明改議之例。各按本例議處。
○十二年議定。凡發往巴里坤種地人犯。及發

往巴里坤賞給兵丁為奴人犯。在配脫逃。如係尋常罪犯。攜帶妻子脫逃者。百日限滿不獲。該管官罰俸一年。兼轄官罰俸六月。限一年緝拏。二叅限滿不獲。該管官降一級留任。緝獲之日開復。不獲。扣滿年限開復。兼轄官罰俸一年。逃犯照案緝拏。如係單身脫逃者。百日限滿不獲。該管官罰俸六月。兼轄官罰俸三月。限一年緝拏。二叅限滿不獲。該管官罰俸一年。兼轄官罰俸六月。逃犯照案緝拏。若係情罪重大之犯。如

為逆。強盜私鹽。及左道妖言。詔旨偽造印信。謀反叛。制書詐傳。妄言煽惑。商漁夾帶。

違禁物件。謀殺出使官吏。洩漏機密。走漏消息。走洩事情。採生折割。毒藥殺人。以藥迷人。之類。

在配攜帶妻子脫逃者。百日限滿不獲。該管官罰俸一年。兼轄官罰俸六月。限一年緝拏。二叅限滿不獲。該管官降一級留任。緝獲之日開復。兼轄官罰俸一年。再限一年緝拏。三叅限滿不獲。該管官降一級調用。逃犯令接任官照案緝拏。兼轄官降一級留任。緝獲之日開復。不獲。扣滿年限開復。如係單身脫逃之犯。百日限滿不獲。該管官罰俸六月。兼轄官罰俸三月。限一年緝拏。二叅限滿不獲。該管官罰俸一年。兼轄官

罰俸六月。再限一年緝拏。三叅限滿不獲。該管官降一級留任。緝獲之日開復。不獲扣滿年限開復。兼轄官罰俸一年。逃犯照案緝拏。○又議定。發遣巴里坤人犯脫逃。定例初叅予限百日。至發遣新疆及軍流以下人犯。中途脫逃。亦應一律計其百日為初叅之限。若斬絞監候重犯中途脫逃。簽差不慎之上司。亦應按限酌予處分。如原例屬員革職留任及降一級調用者。上司均降一級留任。屬員降一級留任者。上司罰俸一年。屬員降職一級者。上司罰俸六月。○又

議定新疆改發內地遣犯脫逃。初參限期。舊例並無明文。應照巴里坤人犯脫逃之例。攜帶妻子脫逃者。初參予以百日限期。二參專管官降調。逃犯令接任官照案緝拏。兼轄官降留。拏獲開復。不獲扣滿年限開復。單身脫逃者。二參兼轄官降留。拏獲之日。准其開復。不獲扣滿年限開復。○又議定。凡尋常監犯越獄。係違犯脫逃例不正法及軍流以下。人犯脫逃疏防限滿不獲。專汎官停升。同城兼轄統轄官。罰俸六月。不同城兼轄統轄官。罰俸三月。限一年緝拏。二參限滿不獲。專汎官降一

級留任。同城兼轄統轄官。罰俸一年。不同城兼轄統轄官。罰俸六月。逃犯照案緝拏。鄰境武弁。如能拏獲此等越獄監犯。無論一月內外。俱減一等議敘。每一名紀錄三次。○又議定。京城巡捕營。有仇盜未明之案。照文職緝兇之例查叅。承緝處分。初叅住俸。二叅罰俸一年。三叅罰俸二年。四叅降一級留任。兇犯照案緝拏。○又議定。凡盜犯投首。交營管束後。如有脫逃。百日限滿不獲。專管官降一級留任。兼轄官罰俸一年。逃犯照案緝拏。○又議定。各省軍流到配。俱係

文職收管。其有衛所省分。文職例載有發衛著
伍者。以出具收管之員為專管。應將原例軍犯
到配所字樣。改為發配衛所。○又議定。官員藉
名。按擒賊黨。傷害良民。失察之提督總兵。例既
定。以處分。其失察之兼轄統轄官。亦應一律酌
予議處。兼轄官降二級調用。統轄官降一級調
用。○十九年

諭。嗣後。拏獲最要次要人犯。該督撫等訊明後。一面錄
供具奏。即一面派委妥員押解來京。交刑部覆審。不
得以該犯刑傷甚重。恐倖逃。顯戮為詞。奏請即於該

省正法。以慎刑章而杜冤濫。○道光九年議准。看守
解任質審官員。如於未經完案之先。有乘閒自
縊身死者。將疏於防範之看守官。降一級調用。
奉委派撥之該管上司。降一級留任。

欽定大清會典事例卷六百三十六

兵部

綠營處分例

禁賭

救火

雜犯

河工

禁賭○原定官員賭博及開場容留賭博者皆革職治罪○雍正九年議准稽察屬官賭博專汎官責之兼轄官兼轄官責之統轄官如明知不揭叅者別經發覺將稽察官降三級調用若失察係同城者降一級留任不同城者罰俸一年察出揭叅者免議○又議准地方有製造賭具之家不查拏者專汎官革職兼轄官革職留

任。統轄官降一級留任。若係舊製賭具藏留在
家。專汛官在任半年不查拏者。降一級調用。
又議准。地方有製造賭具之家。經官弁拏獲。查
係新製未及半年者。專汛官加二級。兼轄官加
一級。統轄官紀錄二次。○又議准。地方有描畫
紙牌之家。不查拏者。專汛官降二級調用。兼轄
官降二級留任。統轄官罰俸一年。若將描畫紙
牌出境販賣。販賣地方專汛官不查禁者。罰俸
三月。拏獲之員。照拏獲賭具例議敘。○又議准。
本汛有製造賭具之家。經別處訪聞查拏。本汛

協同拏獲。或本汛有製造賭具之人。攜往別處販賣。經本汛訪聞查拏。而彼處協同拏獲者。此等協拏情由。由拏獲之人。申報該督撫察覈。於疏內聲明。皆免失察處分。○十年奏准。專汛官失察民人賭博者。每案罰俸一月。○又奏准。民人賭博。專汛官能查拏。及經同城文武官查拏者。免議。因公他出者。亦免議。○又奏准。拏獲賭具之人。隨本案議敘。其該管兼轄統轄官。統俟查明所屬。一年內。別無失察製造賭具。及舊製賭具。販賣賭具。與失察賭博等事。始准將所屬

拏獲賭具之案。於歲終彙冊報部。分別起數議敘。如所屬一年之內。但有一案失察者。即別案拏獲賭具。亦不准議敘。如屬官有失察等案。該管兼轄統轄官能察出揭叅者。將揭叅之官仍按起數議敘。儻兼轄統轄官。因所屬拏獲賭具。希圖議敘。將該屬別案失察賭具。徇隱不報者。降二級調用。○十一年議准。官員拏獲賭具。係武職拏獲。免同城文職處分。文職拏獲。免同城武職處分。若經接壤鄰境拏獲。其製造賭具地方之該管官。係失察未過半年者。免議。至並非

接壤鄰境。及失察已過半年者。如曾經差人協拏者。免議。未經差人協拏者。仍照例議處。○又議准。後任官拏獲造賣賭具之人。其前任官。如失察未及半年離任者。免議。失察已過半年者。仍照例議處。若將失察已過半年之前任官。捏報未及半年。改移月日。代為掩飾者。除將該員拏獲之案。不准議敘外。仍降一級調用。未經察出之兼轄官。罰俸一年。統轄官罰俸六月。能察出者。免議。至拏獲之後。接任官到任半年以內。因賭博發覺。究出製造賭具。或舊存牌版刷印。

不過半年即能拏獲者。均准議敘。其應議處議敘各官。該督撫查明前後官到任離任日期。均於題咨內聲明。○又議准。官員將鄰境新製賭具。未及半年之案。協同拏獲者。每起紀錄一次。至四起者加一級。同屬該管上司管轄者。上司功過相抵。不准議敘。○十二年議准。失察賭博之專汛官。於照例議處時。將該員從前拏獲賭具。議敘之加級紀錄。悉行註銷。如該員已經數任。後有失察賭博之案。將前任內拏獲賭具。議敘之加級紀錄。一併註銷。其該管各上司。除因

所屬別員拏獲賭具議敘之加級紀錄不必註銷外。如因失察賭博之屬官。從前拏獲賭具同案議敘之加級紀錄。亦悉行註銷。若該員失察賭博時。該上司先已離任。或該員調任別省。其失察之處。已與原上司無涉。所有該上司從前因該員議敘之加級紀錄。免其註銷。至上司本身失察賭博。仍將從前所有自行拏獲賭具議敘之加級紀錄。並因屬官拏獲賭具議敘之加級紀錄。悉行註銷。其失察製造賭具舊製賭具並販賣賭具等案。皆照此例。○十三年覆准拏

獲賭具。如係舊製存留。或雖新製而失察已過半年。止免失察處分。不准議敘。僅將舊製存留賭具。捏報新製。及失察已過半年。而捏報在半年以內者。將捏報官降二級調用。濫行轉報之兼轄官。降一級調用。不加詳察之統轄官。罰俸一年。至兼轄統轄各官。能將捏報情由察出揭叅者。其本案如兼轄統轄例應議敘。即將揭叅之兼轄統轄官照例議敘。如例不應議敘。既經揭叅。准免議處。○乾隆五年議准。官員同城拏獲製造賭具者。不分文武。將首緝之人加二級。

協拏之人紀錄二次。首緝兼轄統轄官。照例議敘。協拏之兼轄統轄官。不准議敘。此等協拏情由。拏獲之人。申報督撫察覈。於題咨內聲明分別議敘。若並未協拏。捏報協拏者。革職。扶同捏報之兼轄官。降二級調用。統轄官罰俸一年。提鎮罰俸六月。若兼轄官據詳轉報。並非有心扶同者。罰俸一年。如地方有造賣賭具之人。該專汛官漫無覺察。經兼轄統轄官拏獲者。將失察之人議處。拏獲之人照例議敘。○九年議准。拏獲賭具議敘。不論文武。每案止准首緝一人。協

拏一人。如有以三四人題請濫邀議敘。除不准議敘外。仍將題請官照例議處。○十四年奏准。地方有製造賭具之家。經營汎官弁於半年內拏獲者。因其可以挖查銷毀。拔本清源。自應照例優敘。若係拏獲經過販賣之賭具。與拏獲製造者有間。止將首緝之人加一級。協拏之人紀錄一次。其該管兼轄統轄官。於歲終彙冊報部。查明所屬有議敘加一級者。兼轄官紀錄二次。統轄官紀錄一次。○二十九年奏准。製造賭具之家。審明出於某汎。將該汎專管官降二級留

任。如係自行拏獲。將如何拏獲緣由。據實申詳。督撫提鎮。將專管官加一級。儻境內有藏匿牌版。並存留舊製賭具。希圖售賣者。該汛專管官不行查出。罰俸一年。○又奏准。地方有描畫紙牌。將失察之專管官降一級留任。至拏獲描畫紙牌。及販賣存留。如能訪究根源。銷毀器具者。照拏獲製造賭具例議敘。其地方有將描畫紙牌販賣者。失察之專管官。罰俸二月。其地方因聚賭將紙牌存留者。失察之專管官。罰俸一月。○又奏准。武職官員。無論賭銀。賭飲。食等物。及

開場容留賭博。並上司與屬員賭博為樂者。均革職照例治罪。永不敘用。○又奏准。武職因文員承審鬪毆等案。究出賭博賭具。始行協同拏獲者。止應免其從前失察處分。毋庸議敘。○又奏准。兵役犯賭。本官自行查出申報者。免議。失於查察者。每次罰俸三月。如明知賭博。不行查究。別經發覺者。將本官罰俸一年。○三十年覆准。外結賭博案件。該州縣通報之時。臬司衙門詳記檔案。俟審結後。察其是否該員自行拏獲。抑係別經發覺。統於季終摘敘事由。將失察之

員彙參。照例議處。儻該專汛武職隱匿不報。或經告發。或被訪聞。將隱匿不報之員。罰俸九月。○三十一年奏准。壓寶賭博之案。查明實係尋常日用之盒。並非寶盒者。毋庸以失察賭具查參。即經拏獲。亦不准濫請議敘。如確係雕鏤銅錫等盒。專為壓寶之用者。於案內詳晰聲明。將失察及拏獲各官。悉照製造賭具例。一體議處議敘。○又奏准。首先拏獲賭具之員。加一級。協拏之員。紀錄一次。其失察製造賭具。革職留任。描畫紙牌。降二級留任。舊存賭具。降一級留任。

○三十二年奏准。拏獲描畫紙牌。及販賣賭具之案。能訪究根源。銷毀器具者。首先訪緝之員。加一級。協拏之員。紀錄一次。至但經拏獲。不能訪究根源。銷毀器具者。首先訪緝之員。紀錄二次。協拏之員。毋庸議敘。○四十四年奏准。官員前經訪獲賭具。議敘得有級紀。後復失察賭博者。免其查銷。從前級紀。仍照例議處。○四十九年奏准。匪徒詭立花會名色。編號製籌。邀集多人。搖散聚賭。該地方武職失於查察者。降二級留任。自行訪知。於旬日內拏獲者。免議。儻規避。

處分。諱匿不報。及有心縱容。經上司訪獲者。嚴
叅革職。訊明如有賄縱情弊。照例治罪。○嘉慶
十二年議定。凡地方有經旬累月開場聚賭之
案。破案時未能供出次數者。將不行查拏之專
管官。罰俸六月。○道光九年議准。官員拏獲製
造賭具。將如何拏獲緣由。據實申詳督撫提鎮。
如係銅錫寶盒印板紙牌骨骰等項。將首先拏
獲者加一級。協護者紀錄一次。若係描畫紙牌。
首先拏獲之員。紀錄二次。協拏之員。二案紀錄
一次。此等拏獲賭具之員。武職每案止准一員。

首緝一員協拏分別議敘如係文職首獲文職協獲其武職隨同協拏者亦准一員議敘。又議准武職專汛官並未協拏賭具捏稱協拏者降二級調用兼轄統轄官扶同隱飾者均降一級調用提督總兵未經查出者各罰俸三月督撫交吏部議處若兼轄統轄官並非有心扶同但據詳轉報者各罰俸六月。○光緒十二年覆准嗣後武職人員拏獲賭具之案必將拏獲緣由照例分析聲明如本汛之員隨同協拏者止免其失察處分不得請給議敘若實係拏獲鄰

境賭具。方准分別首先協獲。並所獲何項賭具。逐一敘明。咨請議敘。並將本汛失察之員。隨案咨參。不得率以隨同協拏等詞聲敘。希圖開脫處分。如僅將議敘之員咨送者。仍俟失察職名開送到後。一併覈議。以杜取巧。

救火。康熙九年議准。京城巡捕營地方。有姦細兇徒放火。不能查拏之專汛官。降四級調用。兼轄官降二級調用。又議准。武職各官。所管地方失火。延燒文卷倉廩者。專汛官罰俸一年。如將錢糧文卷擅藏私家。以致焚毀者。將該員

降一級調用。二十六年議准。京城巡捕營地方失火。延燒民房十間以下。即能撲滅者。免議。如不能撲滅。延燒十一間至三十間者。千總把總守備都司罰俸九月。遊擊參將副將罰俸六月。三十間以上者。千總把總守備都司罰俸一年。遊擊參將副將罰俸九月。二百間以上者。千總把總守備都司降一級調用。遊擊參將副將降一級留任。四百間以上者。千總把總守備都司降二級調用。遊擊參將副將降一級調用。六百間以上者。千總把總守備都司降三級調用。

遊擊參將副將降二級調用。○乾隆十年覆准
各省地方失火延燒民房如係城內將在城駐
紮之專汛及兼轄官照巡捕營例按間數分別
議處至城外邨莊失火延燒民房有該管官在
於該處駐紮者亦照巡捕營例按間數分別議
處若駐紮與失火地方相隔撲救不及延燒民
房十間以下即能撲滅者免議十一間至百間
者專汛官罰俸九月兼轄官罰俸六月一百間
以上者專汛官罰俸一年兼轄官罰俸九月五
百間以上者專汛官降一級調用兼轄官降一

級留任。○嘉慶六年奏准巡捕營所屬地方有失火延燒民房至四百間以上者步軍統領總兵罰俸一年。六百間以上者步軍統領總兵降一級留任。○又奏准各省城內失火延燒民房同城提鎮照京營步軍統領總兵例議處。○又奏准監獄失火燒斃罪囚撲救不力之專汛武職降二級留任。同城兼轄統轄官降一級留任。不同城兼轄統轄官罰俸一年。○道光十七年題准營兵藉名救火乘機搶掠將約束不嚴之專管官降二級調用。兼轄官降二級留任。統轄官

罰俸一年。若專管官立行查拏究辦者。均免議。如諱飾不報。有意消弭者。將該管官革職。又題准。外省兇徒放火。延燒房屋。無論曾否致死人命。俱以失事之日起。扣限四箇月。題參疏防。將承緝接緝及兼轄統轄各官。均照盜案例。按限參處。儻該管官諱匿不報。亦照諱盜例。革職。如放火尚未延燒。即經救熄。或燒人空閒房屋。及田間積聚之物。本犯罪止軍流者。扣限六箇月查參。限滿不獲。專汎官罰俸一年。

雜犯。康熙三十八年議准。武職宿倡者革職。

姦家下人有夫之婦者。降一級。罰俸一年。強姦軍民妻及姦官員妻者。革職治罪。和姦軍民妻者。革職。拏獲姦夫姦婦私放者。罰俸一年。得財者。革職。○雍正五年議准。綠營官弁暴厲毆死奴僕者。照八旗毆死奴僕例議處。○乾隆二十四年覆准。現任大小官員。如將犯案刺字之長隨濫行收用。係刺面之犯。顯然可驗者。降一級調用。係刺臂之犯。誤行收用者。罰俸一年。明知係犯案刺臂之犯。仍容留在署者。降一級調用。三十五年奏准。在京在外有將秧歌腳情民

婆土妓流倡女戲游唱之人。容留在家。有職人員革職。照律擬罪。其平時失察。窩留此等婦女之該管武職。罰俸六月。○嘉慶六年奏准。奴僕逃走。該本主不行呈報者。係官罰俸一年。自行申報地方官查拏究治者免議。○又奏准。官員姦軍民妻者。該管上司明知徇隱。不行揭參。降三級調用。如係失察。同城降一級留任。不同城罰俸一年。其自行查出揭參者免議。○又奏准。匪徒誘買良家婦女。在境潛匿賣姦及窩聚光棍朋賭。該地方武職不行查拏者。罰俸一年。若

兵丁知情徇隱。該管官失於覺察者。降一級留任。若兵丁在內串通。勾夥取財者。該管官降一級調用。兼統各官。罰俸一年。○又奏准。城市鄉邨。於當街搭臺酬神者。止許白晝演戲。如深夜唱戲。男女混雜。致生鬪毆賭博姦竊等事。該管武職官。不嚴行禁止。罰俸一年。○又奏准。匪徒夥衆興販婦人子女。藏頓境內。該地方專汛武職。失於查拏。罰俸一年。知情故縱者。降一級調用。地方有興販婦人子女。轉賣圖利等事。專汛官不能查出申報者。罰俸六月。○十六年奏准。

西洋人潛住內地傳教。並民人傳習西洋教者。該督撫據實查叅。將失察容留傳教之地方專汛官降二級調用。兼轄官降二級留任。統轄官降一級留任。提鎮罰俸九月。知情諱匿不報者。專汛官照諱盜例革職。該管上司照諱盜例分別議處。如在地方潛住。並未傳教者。專汛官降一級調用。兼轄官降一級留任。統轄官罰俸一年。提鎮罰俸六月。如西洋人僅止過境。並未逗遛。失察之專汛官降一級留任。兼轄官罰俸一年。統轄官罰俸六月。提鎮免議。如該管官能先

事訪聞拏獲破案。或密報上司。知會鄰封查拏究辦。及協獲首夥人犯者。均照失察邪教獲犯

破案之例辦理。

謹案此例同治元年刪。

○道光六年

諭。張師誠奏阜陽縣處決罪囚錯誤審明定擬一摺。此案已革阜陽縣知縣李復慶等。監視處決秋審罪囚。將斬絞兩犯錯誤。經該撫訊因人多擁擠。所有該兵役等應得罪名。著交刑部議奏。各省秋審情實人犯。一經予勾。各該州縣營弁自應慎重辦理。乃近來各省屢有新絞錯誤之案。總因未能嚴肅彈壓。押犯兵役。又復因忙亂擁擠。不及點驗清楚。以致每有錯誤。

實屬不成事體。嗣後著各該督撫嚴飭州縣。於秋審勾決各犯。先期會營多派兵役彈壓。肅清地面。毋任人多嘈雜。並著各該營弁親視行刑。毋得仍前玩忽。

○九年議准。地方有姦民倡設邪教。附和邪術。煽惑愚民。以致釀成叛逆不法。將平日漫無覺察之該地方武職革職。兼轄統轄官俱降二級調用。提督總兵降一級留任。自稱為神為佛。傳布符水經板。煽惑愚民。聚集多人。結會斂錢。張旗鳴鑼者。專管官降二級留任。兼轄統轄官罰俸一年。提督總兵罰俸六月。或私行邪教。尚無

聚衆結會斂錢等事者。專管官降一級留任。兼轄統轄官罰俸六月。提督總兵罰俸三月。如該管官能於未經發覺以前。先事訪聞。查拏破案。或一經發覺。即勇往擒治。將傳教案犯。迅速拏獲。由該督撫臨時奏請獎勵。恭候

欽定。或先已訪聞。因匪黨衆多。力不能辦。立時密報該管上司。及知會鄰境查拏破案。准其功過相抵。免其議處。若係文職及別汛訪聞究辦。該地方官能協同拏獲首犯。或拏獲夥犯多名。均照本例減等議處。其前任未經訪出各員。均照例

辦理。儻該管官明知故縱。隱匿不報。事發。照諱盜例。革職。從重治罪。該管上司照本例加等議處。若該管官通同諱飾。一併革職治罪。如屬員業已詳報。該上司隱飾不即查辦者。將該上司革職治罪。詳報之員免議。○又議准。巡捕五營地方。遇有錢鋪姦商。誑騙銀兩。一經具報。該地方武職即行飛速嚴拏。詳送究辦。如失於查拏。以致姦商逃逸者。步軍統領勒限兩月查叅。限滿不獲。將專汛都司守備千總把總外委住俸。兼轄之副將參將遊擊罰俸六月。限一年緝拏。

二叅限滿不獲。將專汎都司。守備千總。把總。降一級留任。外委官革去頂戴。兼轄之副將。參將。遊擊。罰俸一年。人犯照案緝拏。○又奏准。京城巡捕五營。及各省州縣。設有墩鋪防兵地方。遇有夥衆搶奪良家婦女。及用藥迷拐男婦子女之案。巡捕營扣限兩月題叅。各省扣限四月題叅。初叅限滿不獲。專汎官住俸。外委官停其拔補。兼轄統轄官罰俸六月。俱限一年緝拏。二叅限滿不獲。專汎官降一級留任。外委官革去頂戴。再限一年緝拏。兼轄統轄官罰俸一年。人犯

照案緝拏。三叅限滿不獲。專汎官降一級調用。外委官革退。人犯交與接任各官照案緝拏。若失事地方向未設有墩鋪防兵者。初叅限滿不獲。專汎官停升。外委官停其拔補。兼轄統轄官罰俸三月。俱限一年緝拏。二叅限滿不獲。專汎官罰俸一年。外委官重責二十棍。再限一年緝拏。兼轄統轄官罰俸六月。人犯照案緝拏。三叅限滿不獲。專汎官降一級留任。外委官革去頂戴。人犯照案緝拏。如於限內獲犯及半。兼獲盜首者。免議。若獲犯及半。盜首未獲者。專汎協防

官照盜首不獲例議處。如承緝官於初叅限內
去任。接緝官初叅限滿不獲。罰俸一年。再限一
年緝拏。二叅限滿不獲。罰俸一年。人犯照案緝
拏。如係初叅限外去任。接緝官一年限滿不獲。
罰俸一年。人犯照案緝拏。儻有諱匿及事主未
報等情。悉照諱盜及失察事主被盜不報例分
別辦理。○二十一年議准。地方設立粥廠。飯廠
米廠。以及散放棉衣。該管官務令承領男婦魚
貫而入。挨次散放。如任其擁擠。不加約束。以致
傷斃人命。該管官降一級調用。兼理官罰俸一

年。○二十二年覆准。官員因火藥不敷。不自督率備造。濫飭屬弁給發民人印照。代買硝斤。以致偷漏售賣者。降三級調用。聽從之屬弁。罰俸九月。○咸豐四年

諭。嗣後遇有匪徒潛匿。及姦細勾結重案。無論被人呈告。或被鄰境查拏。本地方官審有確據。即行申詳嚴辦者。准將應得處分。奏請免議。其本地方官自行訪拏首要逆匪。及通賊姦細。實有勞績可稱者。並准其酌量鼓勵。儻事前既不能查察。及事發到官。又復畏難徇隱。即立予革職。治以應得之罪。決不寬貸。○同

治十年奏准。地方遇有民教滋事。起於倉猝。不能即時解散。止於失察。未經查拏者。該管官降一級調用。

河工。○原定武職修築黃河隄岸。保固一年。運河隄岸。保固三年。如黃河隄岸。於半年內衝決。運河隄岸。於一年內衝決者。將承修官革職。黃河隄岸。過半年衝決。運河隄岸。過一年衝決者。將承修官降三級調用。如過年限衝決者。將該汛管河官革職。戴罪修築。工完開復。其有將督修之兼轄官併參者。照文職河道例議處。○又

定隄岸衝決限十日內具報。如過十日具報者降一級調用。沿河隄岸不豫先修築以致漕船阻滯者降一級調用。○又定隄岸衝決以少報多者降三級調用。轉報者降二級調用。若於年限內將所修隄岸衝決隱匿不報指他處呈報衝決者革職轉報官降五級調用。○又定武官修築隄岸工程均限半年完工。如限內不完承修官罰俸一年。督修官罰俸六月。再限三月完工。如再不完承修官降一級調用。督修官罰俸一年。○又定武職修築隄岸有一處夯杵不堅

盛水即漏。並有一二丈不豐滿合式者。降一級調用。兩處夯杵不堅。盛水即漏。並有三四丈不豐滿合式者。降二級調用。三處夯杵不堅。盛水即漏。並有五丈以上不豐滿合式者。革職督修。官察其所屬有一人議處者。罰俸一年。二人議處者。降一級調用。三人議處者。降二級調用。四人以上議處者。革職。如有議處議敘相同者。准其抵算。若督修官查出揭叅者免議。○又定。衛所官委辦河工。私自潛回。以致衛夫星散者。革職戴罪督催。工完日開復。○又定。隄岸衝決。有

例應革職戴罪賠修者。限六月完工。督修官降四級留任。均俟工完開復。如限內不完。賠修官革職。督修官降四級調用。未完工程。仍令賠修。

○雍正三年議准。山東河南江南各河營。每兵每年栽柳百株。栽不足數者。專管千把總罰俸一年。守備罰俸六月。栽不及半者。專管千把總降一級留任。仍令補栽。守備罰俸一年。至各官捐栽柳秧。成活五千株者。紀錄一次。一萬株者紀錄二次。一萬五千株者紀錄三次。二萬株者加一級。種葦一頃者。紀錄一次。二頃者紀錄二

次。三項者紀錄三次。四項者加一級。○四年議
准。武職修築隄岸工段丈尺椿埽料物等項。有
估計過多。存心浮冒者。將該員革職。承查官扶
同徇隱者。照徇庇例議處。○十二年奏准。運河
隄岸。專汛官督率兵丁。照本汛應取土方數目。
堆積備用。不如數者。罰俸一年。不及一半者。降
一級留任。戴罪堆積完日開復。○乾隆三年議
准。河營官弁於汛河官地內。捐栽小楊樹五百
株者。紀錄一次。一千株者紀錄二次。一千五百
株者紀錄三次。二千株者加一級。如所栽不及

議敘之數。准於次年補裁。合算議敘。其樹交該管之汛官。照管培養。儻有枯損偷盜。在一百株以內者。責令賠補。至一百株以上者。降一級留任。賠補完日開復。若將民地指為官地。強占栽植。希圖議敘者。照強占官民山場河泊律治罪。

○九年議准。河工採買葦柴。武職各官。於每年定額之外。多採買五萬束者。該督計功獎賞。至十萬束者。紀錄一次。再有多者。照數遞加紀錄。

○二十三年

諭。豫東黃河大隄。相隔二三十里。河寬隄遠。不與水爭。

乃民間租種灘地。惟恐水漫被淹。冀圖一時之利。增築私埝。以致河身漸逼。一遇汎水。長發易於衝潰。匪注隄根。即成險工。不知隄內之地。非隄外之地可比。原應讓之於水者。地方官因循積習。不加查禁。名曰愛民。所謂因噎而廢食者也。著交與河南山東巡撫嚴飭該地方官。曉以利害。嚴行查禁。俾小民知所顧忌。不許再行培築。地方官不實力辦理。及廳汎員弁明知徇隱。即行叅處。嗣後如有仍沿積習。為害河防者。惟該撫等是問。○二十五年奏准。江南山東河南黃河兩岸灘地。每年霜降後。營汎各官將衝刷

支河幾道。長寬深淺丈尺若干。應築土壩幾道。高矮長寬丈尺若干。逐一親加確勘。移會地方官覆勘。覈計土方數目。先儘兵夫力作。將額積土方。分派兵夫堵築。如兵夫額土不敷。地方官即撥民夫堵築。統限霜降後一月內會造清冊。詳道覈轉。定限次年春融興工。桃汛前如式完竣。結報該管河道。親驗轉詳。經過伏秋汛後。所築土隄並無坍塌。承築官加一級。二年內無誤。准加一級隨帶。三年內始終無懈。於河道實有裨益。該督撫保題以應升之缺。即行題補。如於

水落後不即親勘估計移會印官覆勘及挑汛前不能完竣者。經管官降一級調用。兼管官罰俸一年。總河交吏部議處。○又奏准江南葦蕩營額柴按年照數清完。依限運交。未完一分者。該汛千把總罰俸一年。守備罰俸六月。參將罰俸三月。未完二分者。千把總降職一級留任。戴罪督完。守備罰俸一年。參將罰俸六月。未完三分以上。千把總革職。守備降職一級留任。戴罪督完。參將罰俸一年。均勒限一年。照數督催。全完開復。不完照所欠柴束分賠。千把總賠六分。

守備賠三分。參將賠一分。賠完之日。俱准其開復。○又奏准。失火燒毀河工料物。如有藉端捏掩者。該管官革職究追。若巡查不力。燒毀料價數在一千兩以下者。該管官罰俸一年。勒限一年賠完。不完降一級留任。全完開復。再一年不完。降一級調用。一千兩至五千兩者。該管官降三級留任。戴罪賠補。限一年賠完開復。不完照所降之級調用。加級紀錄。俱不准抵銷。離任後仍勒限一年。不完革職。五千兩以上者。革職暫免離任。戴罪賠補。限一年賠完開復。不完革任。

其降調革職革任人員俱留工勒限一年追完如不賠完著落原籍追賠。又奏准河標葦蕩營戰守兵丁勤勞出力首先採柴完繳並能熟練弓馬者准其拔補外委千把總如採辦遲延運交短少不能練習弓馬者即行責革照例追賠。又奏准黃河兩岸捕魚小船令清河縣造冊編號責令該處管河縣丞河標把總經管遇有糧船失風該把總不行約束稽查致有乘機搶掠之事或被旗丁首告或經催漕之員稟報查叅照約束不嚴例降一級調用。又奏准河

工部駁覈減銀兩。以奉准部咨之日為始。三百兩以上。勒限一年全完。三百兩以下。勒限六月全完。將俸廉儘數扣抵。儻扣不足數。或不支俸廉之員。勒令自行完納。如逾限不完。現任官停其升調。效力官停其補授。再勒限完納。不完。現任官暫行解任。效力官暫行革職。仍留河工。再令完納。完日開復。如仍不完。現任官即行革職。效力官即行革去職銜。俱交巡撫監追治罪。其現任汎弁。責令該管守備承追。現任守備。責令該管遊擊承追。現任參將遊擊。責令河庫道今裁

缺。催追其承追不力各官。初叅降俸二級。戴罪督催。完日開復。如逾限不完。罰俸一年。仍令督催。○又奏准。河工歲修搶修工程銀兩。經總河覈減。以題銷之日起限。數在三百兩以下者。扣限三月。追完不完。及完不足數者。降一級留任。再限三月。全完開復。儻仍不完。照虧空例。革職監追。數在三百兩以上者。扣限六月。追完不完。及完不足數者。罰俸一年。再限三月。追完。儻仍不完。降一級留任。再限三月。全完開復。如不完。照虧空例。革職監追。交部從重治罪。其督催不

力之該管上司。如本員罰俸一年者。將上司罰俸六月。本員降一級留任者。上司罰俸一年。本員革職者。上司降一級留任。三年無過開復。○又奏准。河工工段修做不如式。及物料價值稍浮。經河臣覈減後升調緣事離任者。俟交代清完。接任官方准出結。如有未完。即行揭報。如不揭報。欠項著落接任官賠補。仍照徇情例。降二級調用。該管上司不行轉揭請叅者。亦照此例。著賠議處。如已經升調緣事離任後經覈減。行文各該撫查追。○二十八年議准。河工辦料。以

廳員為專管官。以守備為兼管官。修做工程。以守備為專管官。以廳員為兼管官。互相稽查。如廳員據備料物。不能依限全到。守備據實揭報者。免議。儻容隱不報。經該管上司查出。將兼管之守備降一級留任。至營員修做埽工。不能如式。廳員據實揭報。或廳員容隱。而該管上司查出。將專管之守備降一級調用。兼管之廳員罰俸一年。○三十七年奏准。河工漫口。在工員弁如能搶護平穩。合龍迅速者。該河道總督分別等差。送部議敘。兵部將列為一等各員紀錄三

次二等紀錄二次。三等紀錄一次。○嘉慶六年奏准。河北一帶運河。流沙淤淺之處。令巡河武職各汛官。弁及時疏濬。如不速為挑濬。有誤空重漕艘者。將各汛官降一級調用。該管上司罰俸一年。○又奏准。凡重運經臨。令管河各廳汛於河道兩旁詳細查勘。如有倒卸隄岸。存留舊椿。並插入樹根。未經挖削者。即時起除。河道總督等不時委員查察。據實申報。其有因河底石塊舊椿及柳根等項。觸漏沈溺者。領運官免其失防處分。將專管河務文武各官。照沿途隄岸

豫先不行修築例降一級調用。兼管河務之地
方官。罰俸一年。查報不實之委員。罰俸六月。
道光九年奏准。黃河隄岸半年內運河隄岸一
年內有衝決者。將修防守備千總把總外委等
官。均行革職。遊擊參將等官。降四級調用。如黃
河隄岸過半年運河隄岸過一年外衝決者。將
修防守備千總把總外委等官。全行革職。遊擊
參將降三級調用。如過固限衝決者。經修官免
議。管河防守各官革職戴罪修築。遊擊參將降
二級調用。督修工完開復。若固限之內。修築之

官已去。而防守之官疏忽。致有衝決者。將原修防守之官一體處分。凡隄岸衝決。河流遷徙者。照前例處分。若隄岸因河水漫決。河流不移。係在保固限內者。令經修官賠修。在保固限外者。令防守官賠修。俱革職留任。戴罪限六箇月修完。遊擊參將降四級督賠。工完開復。如賠修官逾限不完。遊擊參將不行揭報。各降三級調用。隄岸衝決。限十日內申報。如過十日後申報者。本管官降二級調用。○光緒七年奏准。河工修防各員。減料偷工。圖飽私囊。以致動輒潰溢。

險工疊出。又復多領帑項。從中侵漁。經該上司
奏參者。原修防守各武職。均革職治罪。